

Белдвр теткв

Олна малд дулан болн цадхлнь үвлзлгъ белдхин төлэ Целини района «Ленинский» совхозин 1-ч номертэ ферм малин үвлзнь болгънд өвс, соломинь болн концентрированн хотинь зөөгъяд белдчкв. Дажад мал бәрх хаша-хаацсинь ясад, дулалад үвлд бел кечкв.

Малин үвлзнь деер скирдлчкн өвсиг мал бичэ эвддж үрәтхә гидж-төгәлнэгдн суньгъгар кашалчкн бәәнә. Увлзнь болгънд хурачкн малин хотиг актар ах хөөчнрт болн ах үкрчнрт даалцъдж өггдв.

Эн фермин ах хөөч үр Муев Муутл эн джил 100 хөн болгънас 120 хургъ авада экәснь салгьтл әруд-менд асрдж, талдан хөөчд өгв. Хөн болгънас ноос киргъдж авх зурагъан давулдж күцәв. Ах хөөч Муев Муутлин хәләджәх хөд таргън-цадхлнь болн гару уга бәәнә. Энүнә хәләджәх нәәднр хөд 1960 джилин февраль сарас авн эклдж хургълхмн. Хургълх хөөдт болн гарсн хургъдт дулан хашагъинь бас бел кечкв.

Нүүрлгч ах хөөч үр Мүев Муутлиг совхозин дирекц Күндлгънә грамотар ачлснд, эн хөөч нигдж келв:

— Би цааранднь чигн жөдлмшән сәәнәр кедж, долан джилә хойрдгч джилдн хөөдәсн оln төл авч, гару угагъар асрдж совхоздан өгнәв, — гидж батта үгән өгв.

С. ДОРДЖИЕВ.